

[illegible]

§
مسلكه موافق آمار مع المنونيه قبول
اولنور. درج ايدلمين يازيلر اعاده
اولونماز .

§
پارہ کو ندرلد کی زمان نہ یہ دائر اولد
یغناک و اضحا بیلد بر لسی رجا و انور.

مسحور ۱۵ کف

اتبعون اهدكم سبيل الرشاد

۲۰۹ د.ع

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ

مائل حدیبی

«ای امان اتمش اولان انسانلر ، اللهدن ، ناصیل قورقق لازم ایسه او یله جه ، قورقیکز ...»

أوت ، بر بعث بعدالموته امکان واردر البته ..
 بونك تأمینی ، لكن ، بر بیغین ادواره وابسته !
 او جمعیت که وجداننده حاکم خوف یزداندر ؛
 بوتون دنیا به صاحبدر ، بوتون اقوامه سلطاندر .
 فقط ، افرادی الله قورقوسندن بی خبرملت ،
 چکر ، ملتلك منفوری ، قبطیلر قدر ذلت !
 معالی میلی هیچ قالماز ، شہامت بوسبوتون قالقار ؛
 نه حاکمك طانیلر آرتیق ، نه محکوم اولمادن قورقار .
 شرف حرصیله استحقاق موت ایتمشکن اجدادی ،
 بیراقاز او یله بر پاکیزه نسلک شیمدی احفادی ،
 حیات او غورنده استخفافه شایان کورمدك خسران !
 کبرسین تکمه لر آلتنده راضی .. چیقما سین ، تك ، جان !
 یورکلر اك ملوث ، اك سفیل آمال ایچون چاربار ؛
 سیکیرلر اك محال اندیشه دن تیتیر طورور پاربار !
 اولور جمعیت افراد نجہ شخصی منفعت « معبود ! »
 صورارسه ك کیمسه بیلمز وارمی « حق » نامنده بر موجود .
 او ، طویمق بیلمه یین ، « معبود » ه قرباندر حیا حسی ،
 حمیت ، آدمیت حسی ... علوی حسلر ك هیدی !
 بو حسلر لکه جمعیت یاشار دیر لسه ، پك یا کلیش :
 بولك بر ملت ، اولمش معنویات یله صاغ قالمش ! محمد عاکف

نه عرفاندر ویرن اخلاقه علویت ، نه وجداندر ؛
فضیلت حسی انساندرده الله قورقوسندندر .
یورکلردن چکیلمش فرض ایدیلسین خونی یزدانك ..
نه عرفانك قالیر تأثیری ، قطعیا ، نه وجدانك .
حیات آرتیق بهیمیدر .. خایر ، اونندن ده آلاقدیر :
یا حیوان باغلیدر فطرته ؛ انسان حر و مطلقدر .
بهائم چیقماز اما خلقتك ثابت خدودندن ؛
بشر حالا خبرسز بویله بر قیدك وجودندن !
مکر قلبنده مولادن تحاشی حسی یر طوتسون ..
او یر طوتمازسه هیچ معناسی یوقدر قید ناموسك .
هم افرادك ، هم اقوامك بو حسدر ، وارسه ، وجدانی ؛
اونك تعطیلی انسانیتك توقیع خسرا نی !
بودر خلقتده جاری اك بویوك قانونی خلاقك :
او یوزدن باشلار اضمحلالی ملتدرده اخلاقك .
فقط ، اخلاقك اضمحلالی اك مدهش بر اضمحلال ؛
نه ملت قورتولور ، زیرا ، نه ملیت ، نه استقلال .
اویونجاق صانمایيك ! اخلاق ملی روح ملیدر ؛
اونك افلاسی اك قورقونج اولومدر : موت کلیدر .
اولور جمعیت آرتیق چارهسز پامال استیلا ؛
مکر قالدیرمش اولسون ، روح ثانی ایندیروب ، مولی .